

## Na cava na Vanua ni Manumanu Vuka (VMV)?

Oqo na vanua digitaki ka kilai e vuravura ni uasivi me maroro kina na manumanu vuka.

E Viti, e tolu na yavu ni kena digitaki na veivanua oqo:

1. Me kunei kina na manumanu vuka eso sa lutu tiko na kedra I wiliwili
2. Me kunei kina e dua nai wiliwili vinaka ni manumanu vuka dina ni vanua koya
3. Ko ira na manumanu vuka dau vakasoqoni vata me kedra I wiliwili e sivia e 20,000. Vakatautaki kina mataqali manumanu vuka cava.

## Na cava e digitaki kina me VMV?

### Natewa/Tunuloa Peninsula (FJ03)

Na VMV oqo e tiko kina e dua nai wase levu ni veikau ena Natewa/Tunuloa Peninsula ka se tu vinaka tu ka sebera ni musu na kena veikau.

Na veikasu talega oqo e kune ga kina na Sisi (Silktail) ka vaka talega kina na Bune.

E rawa talega ni kune eke na veimataqali manumanu ka rawa ni kune e Vanua Levu kei Taveuni.

### Taveuni (FJ04)

Na VMV e Taveuni e wili tiko kina me vanua maroro levu duadua e Viti ka tiko kina e 4 na mataqali manumanj vuka ka sa lutu tiko na kedra I wiliwili me vaka na Ruveniyele, Kiro, Sisi kei na Kacau ni Tahiti. Ea kune talega na Kulawai ena dua na vakadidike ena 1875 ka se vakabauti ni se tiko ena veidelana kei Taveuni.

## Na cava na meca kina VMV oqo?

Na musu kau e oka me dua na meca levu duadua kina veivanua maroro vaka oqo baleta ni kauta laivi saraga na nodra I tikotiko na manumanu vuka.

Na musu kau e kauta talega mai na Kalavo kei na Manivusi kina loma ni veikau ka ra mai kania na yaloka kei na luve ni manumanu vuka.



## Na Birdlife International

Na BirdLife International e dua na taba ni veiqaravi veiwekani kei na veitabana eso ena veiyasai vuravura ka ra cakacaka vata ena kena sagai me taqomaki nai Yaubula eso ka vakauasivi na manumanu vuka. E 103 na matanitu e vuravura sa tiko kina na kena valenivolavola ka tiko na kena valenivolavola liu mai Cambridge, Peritania.

Na BirdLife Pacific e okati kina na matanitu ko Viti, New Caledonia, Palau kei French Polynesia.


Na Birdlife Fiji Programme a tauyavu ena yabaki 2002 me sotava na gagadre ni kena taqomaki na vemataqali manumanu vuka ni noda vanua lomani ko Viti.

BirdLife Pacific Partnership,  
10 McGregor Road; GPO Box 18332 Suva, Fiji  
[birds@birdlifepacific.org.fj](mailto:birds@birdlifepacific.org.fj)  
<http://pacific.birdlife.org/>



## VANUA NI MANUMANU VUKA E NATEWA/TUNULOA KEI TAVEUNI





**Natewa/Tunuloa Peninsula and Taveuni**



**Sisi**



**Buiiri**



**Bune**



**Kaka Ni Vanua Levu**



**Kacau ni Tahiti**



**Kulawai**



**Ketedromo**



**Qilu**



**Buff Banded Rail**

Vakaraitaki tiko ena mape na Vanua ni Manumanu Vuka (VMV) ena Natewa/ Tunuloa Peninsula (FJ03) kei Taveuni (FJ04), ka vakaraitaki tale tiko ga na veimataqali manumanu vuka ka rawa ni kune ena 2 na vanua oqo. Na Sisi e rawa ni kune ga ena 2 na vanua oqo ka sega tale ni dua na vanua e Viti..

Photographs by David Lucas, Hadoram Shirihai, Mark Harper, Bill Beckon, Tom Tarrant, Ken Olsen, Birdlife Fiji